

1021/623/2009

**MEAHCIRÁÐÐEHUSA MEARRÁDUS**  
**Leammi álbmotmeahci**  
**ortnetnjuolggadusas**

**Addojuvvon Vantaas 18.3.2009**

**Leammi álbmotmeahci ortnetnjuolggadus**

Meahciráđđehus lea luonddusuodjalanlága (LsL, 1096/1996) 18 ja 20 §:aid vuodul addán čuovvovaš ortnetnjuolggadusa Anára ja Gihttela gielddain leahkki Leammi álbmotmeahci várás.

Ortnetnjuolggadussii leat váldojuvvon mearrádušat čuovvovaš njuolggadusain: Suoma vuodđoláhka (731/1999), luonddusuodjalanláhka (1096/1996), ášahus stáhtaeatnamiidda vuodđuduvvon dihto álbmotmehciin ja luonddumehciin (932/1981) sihke ášahusa nuppástus (583/1991), sámediggeláhka (974/1995), meahccejohtalusláhka (1710/1995), meahccejohtalusásahus (10/1996), meahcástanláhka (615/1993), guolástanláhka (286/1982), gádjunláhka (486/2003), boazodoalloláhka (84/1990), ruvkeláhka (503/1965), áibmojohtalusláhka (281/1995), eanageavahan- ja huksenláhka (132/1999), čoahkkananláhka (530/1999) ja bázahusláhka (1072/1993). Dasa lassin ortnetnjuolggadusas leat mielde mearrádušat, maid Meahciráđđehus álbmotmeahci hálldahusas vástideaddji eiseváldin eanaeaiggáda hámis lea vuoigadahtton ja geatnegahtton addit.

Ortnetnjuolggadusa mearrádušat čuvvot daid prinsihpaid, mat leat ovdanbukton Birasministeriija 28.11.2008 nannen luonddusuodjalanlága 19 §:a vuodul dahkkojuvvon Leammi álbmotmeahci dikšun- ja geavahanplánas.

Ortnetnjuolggadus guoská daidda álbmotmeahccái gullevaž, stáhta oamastan eana- ja čáhceguovlluide, mat leat čuovuskártii merkejuvvon ráddjema sisa. Dasa lassin ortnetnjuolggadus guoská daidda guovlluide, mat leat háhkkojuvvon dahje maid lea jurdda háhkat stáhta oamastussii laktin dihte daid álbmotmeahccái dan vuodđudeami maŋŋá.

Báikkálaš ássiiguin oaivvildit Anára ja Gihttela gielddas heaggačálihuvvon ja fásta ássi olbmuid iežaset gieldda siste. Lagasgiliid ássiiguin oaivvildit kártačuvvosa 2 ráddjema siste leahkki giliid ássiid.

Dát ortnetnjuolggadus gomihá 11.3.1988 addojuvvon Leammi álbmotmeahci ortnetnjuolggadusa oktan dasa maŋŋelis dahkkojuvvon rievdadusaiguin ja lasáhusaiguin.

## 1. Álbmotmeahci vuodđudeapmi ja dan ulbmil

*(láhka dihto ođđa luonddusuodjalanguovlluid vuodđudeamis stáhtaeatnamiidda; 634/1956 1 §, láhka dihto ođđa luonddusuodjalanguovlluid vuodđudeamis stáhtaeatnamiidda addojuvvon lága rievdadeamis; 204/1971 20 §, láhka stáhta oamastan dihto guovlluid čohkkemis álbmotmeahccin ja luonddumeahccin; 674/1981 4 §)*

Leammi álbmotmeahcci lea vuodđuduvvon 1956:s, ja dat lea viiddiduvvon vuos 1971:s ja ođđasit 1982:s.

Leammi álbmotmeahcci lea almmolaš oaidnámuššan oaivvilduvvon luonddusuodjalanguovlu, man guovddáš ulbmilin lea suodjalit Davvi-Lappi meahcceluonddu. Álbmotmeahci deháleamos ulbmilin lea suodjalit álgoálgosaš luonddu iešvuodaid, šlájaid ja ealánservodagaid, muhto suodjalit sáhtta maiddái olbmo doaimmaid boadusin šaddan árbevirolaš birrasiid, ealánservodagaid, duovdagiid ja rusttegiid. Árbevirolaš sámealáhusat ja daid hábmen luondotiipat ja ráhkadusat leat mávssolaš oassi álbmotmeahcis. Álbmotmeahcci láchá vejolašvuodaid vánddardeapmái, oahpahussii ja dutkamii.

## 2. Sámiid vuoigatvuohta iežaset gillii ja kultuvrii

*(vuodđoláhka 17 § ja 121 §, sámediggeláhka 9 §, 3 §, 5 § ja 6 §, riikkadási guovlluideavahanulbmilat lohku 4.7.)*

Sámiid ruovttuguvlui gullá eanaš oassi álbmotmeahcis; Anára gieldda sisa báhcci guovlu. Sámiin lea álgoálbmogin vuoigatvuohta bajásdoallat ja ovddidit iežaset giela, kultuvrra ja iežaset kulturhápmaí gullelaš árbevirolaš ealáhusaid dego boazodoalu, guolástusa ja meahcebevdu.

Guovlluideavaheamis váldojuvvo vuhtii sámiide álgoálbmogin gullelaš vuoigatvuohta bajásdoallat ja ovddidit iežaset kultuvrra árbevirolaš sámealáhusaid ovddidanvejolašvuodaid dorvvastan dihte. Boazodoalu guovlluideavahanvejolašvuodát dorvvastuvvojit.

## 3. Oppalaš njuolggadusat

### 3.1. Oppalaš gielddut

*(ásahus stáhta oamastan dihto guovlluide vuodđuduvvon álbmotmeahciin ja luonddumeahciin 1 §, meahcástanláhka 8 lohku, bázahusláhka 19 §)*

Álbmotmeahcis leat gildojuvvon čuovvovaš, luonddu rievdadeaddji doaimbajut mañnelis máinnašuvvon spiehkastagaiguin:

- goivvohagad roggan ja eanaávdnasiid váldin
- visttiid, geainnuid ja rusttegiid ráhkadeapmi
- ealliid goddin, bivdin dahje headušteapmi ja ealliid besiid, šattuid ja ealli ja jápma šaddoosiid váldin ja vahágahttin

- beatnagiid doallan luovus
- ludnen
- eará doaibmabijut, mat sáhttet rievdadit guovllu luonddudili ja čuohtit dan šattuid dahje ealliid seailumii

### 3.2. Álbmotmeahci avádatjuohku

*(ásahus stáhta oamastan dihto guovlluide vuodđuduvvon álbmotmehciin ja luonddumehciin 4 §)*

Álbmotmeahcci lea juhkkovuvvon avádagaide, madda gusket sierralágan johtalan-, gohtten- ja dolastallanmearrádusat (kártáčuovus 1). Avádagat leat:

	viidodat %	álbmotmeahci viidodagas
Boaittoealeavádat	253 925 ha	88 %
Lustageavahanavádat	30 592 ha	11 %
Kulturavádat	1 059 ha	vuolled 1 %
Ráddjenavádat	314 ha	vuolled 1 %
Oktiibuot	285 790 ha	

### 3.3. Johtalanvuoigatvuođat

*(LsL 18 §, meahcejohtalusláhka 4 §, áibmojohtalusláhka 40 §)*

Álbmotmeahcis oázžu johtalit iešrádáláččat juohke sajis. Ravadasgoržži ráddjenavádagas oázžu johtalit merkejuvvon johtolagaid olggobealde dušše Meahciráđdehusa lobiin šattolašvuođa ja eanavuođu gollama hehtten dihte ja luonddusuodjalanárvvuid dorvvastan dihte.

Sihkkelastit ja riidet oázžu dálá merkejuvvon geassevánddardanjohtolagaid mielde.

Beanavuođjin lea gildojuvvon álbmotmeahcis.

Mohtorfievrruid (maddái mohtorfatnasa ja čáhceskohtera) geavaheapmi lea gildojuvvon earret čuoggáin 4 ja 5 máinnašuvvon spiehkastagaid.

Áibmofievrruin sáhtá seavut Áibmojohtaluslágádusa ovdeš, Jeageloavvi ja Mártten-Issát roavi seavunbáikkiide iežas vásttuin. Muđui áibmofievrruid seavumii galgá leat lohpi (gč. lohku 5.6 Lobivuloš doaibma).

### **3.4. Gohtten, dolastallan ja ávdinstobuid geavaheapmi**

*(ásahus stáhta oamastan dihto guovlluide vuodđuduvvon álbmotmehciin ja luonddumehciin 2 §, gádjunláhka 24 §, LsL 18 §)*

Leammi álbmotmeahcis oažžu gohttet oanehis áiggi earret ráddjenavádaga. Gohtten ii oaččo čuohcit álbmotmeahci luondduárvvuide iige headuštit álbmotmeahci eará geavaheami. Leammileagis Njurggoluvotta ja Gollehámmana gaskkas oažžu gohttet dušše dan várás oaivvilduvvon orustansajiin.

Lustageavahanavádagas oažžu dolastallat dušše dolastallama várás oaivvilduvvon báikkiin. Boaittoealeavádagas oažžu dolastallat maiddá eará sajis go huksejuvvon dolastallanbáikkiin, ii goittotge vuollel kilomehterbeali duohken huksejuvvon dolastallanbáikkis. Dolastallamii oažžu geavahit goike ovssiid, rissiid ja guddožiid.

Sajušdola bidjan lea ollásit gildojuvvon meahccebuollinváruhusa áigge.

Álbmotmeahci beaivestobut leat oaivvilduvvon vuosttažettiin beaiveatnui ja ávdinstobut gaskaboddosaš idjadeami várás. Meahciráđđehus sáhtá dasa lassin addit dárkilet rávvagiid stobuid geavaheamis.

### **3.5. Murjen ja guoppardeapmi**

*(ásahus stáhta oamastan dihto guovlluide vuodđuduvvon álbmotmehciin ja luonddumehciin 2 § ja LsL 18 §)*

Murjjiid ja borramušguobbariid oažžu čoaggit, jos johtalanráddjehusat eai dan hehte.

### **3.6. Meahcebevdu ja guolástus**

*(ásahus stáhta oamastan dihto guovlluide vuodđuduvvon álbmotmehciin ja luonddumehciin 3 §, guolástanláhka 5 §, 8 §:a 1 mom.)*

Meahcebevdu lea álbmotmeahcis gildojuvvon earáin go báikkálaš ássiin (gč. lohku 4.2. Meahcebevdu)

Guolástit oažžu guolástanlága mielde seaktebevdotosiin ja bilkemiin sihke leanalaš vooggabivdolobiin eará sajis go álbmotmeahci rávdnječáziin (dego jávrečáziin). Meahciráđđehus sáhtá miedihit maiddá eará guolástanlobiid. Báikkálaš ássiid voigatvuodas guolástit Anára gielddas leahkki álbmotmeahci siste, gč. 4.3. Guolástus.

Álbmotmeahci ráfáidahttinnjuolggadusat eai váikkut dasa, mii Suoma ja Norgga gaskasaš ásahusa vuodul Deanu guolástanbire oktasaš guolástannjuolggadusas dahkkojuvvon soahpamuša ja dan čuvvosa dihto mearrádusaid fápmui bidjamis (949/1972) lea mearriduvvon dahje mearriduvvo.

## 4. Báikkálaš ja lagasgiliid ássiide guoskevaš sierranjuolggadusat

### 4.1. Mohtorfievrruiguin johtaleapmi

*(meahccejohtalusláhka 4 §, meahccejohtalusásahus 13 §)*

Anára ja Gihttela gieldalaččaide sáhtta mieđihit lobiid johtalit meahccefievrruiguin dihto ákkaiguin (gč. lohku 5.3. Meahccejohtalus)

Anára ja Gihttela gieldalaččaide sáhtta mieđihit lobiid johtalit mohtorfatnasiin dihto ákkaiguin (gč. lohku 5.4. Čáhcejohtalus). Mohtorfatnasiin ožžot johtalit dušše lagasgiliid ássit.

Boazobargguid oktavuodas oažžu johtalit mohtorfievrruiguin meahccejohtaluslága ja -ásahusa mielde (gč. lohku 5.2. Boazodoallu ja lohku 5.3. Meahccejohtalus)

### 4.2. Meahccebivdu

*(meahcástanláhka 8 § ja 9 §, ásahus stáhta oamastan dihto guovlluide vuodđuduvvon álbmotmehciin ja luonddumehciin 3 §)*

Anára ja Gihttela gielddain fásta ássi olmmoš oažžu bivdit meahci meahcástanlága mielde álbmotmeahcis iežas gieldda siste. Bivdobeatnagiid oažžu geavahit bivdu oktavuodas meahcástanlága mielde. Meahciráđdehus sáhtta mieđihit lobi ealga- ja guovžabivddu ordnestallamiida ja birgguid viežžamii mohtorfievrruin meahcis. Anára gieldda lagasgiliid ássiide ja Anára gieldda luondduealáhusbargiide sáhtta mieđihit lobi johtalit mohtorgielkkáin rievssaha gárdebivddu oktavuodas.

Meahccebivdui guoskevaš gaskaboddosaš gohtten ja dolastallan lea lobálaš álbmotmeahcis dušše dalle, go geavaha goike ovssiid, rissiid ja guddožiid avádatjuogu prinsihpaiguin (gč. čuokkis 3.4.). Meahccebivddu oktavuodas sáhtta váldit gaskaboddosaš gohttemii dárbašlaš soames seakka beahceváhčosa lávvomuorran.

Báikkálaš ássiin, geat ožžot bivdit álbmotmeahcis, lea vuoigatvuohta váldit gárderissiid.

### 4.3. Guolástus

*(guolástanláhka 12 §, guolástanásahus 43 a §)*

Anára gieldalaččain lea guolástanlobi mielde vuoigatvuohta oažžut gieldalažžii oaivvilduvvon guolástanlobi álbmotmeahccái. Guolástanlobiid mieđiheapmi vuodđuduvvá čáziid bistevaš buvttadeapmái. Anára gieldda lagasgiliid ássiide sáhtta mieđihit lobi johtalit mohtorgielkkáin guolástusa oktavuodas.

Gihttela gieldda beallai mieđihuvvojit lobit guolástanlága mielde.

## 5. Eará njuolggadusat

### 5.1. Eiseváldedoaimma

*(ásahus stáhta oamastan dihto guovlluide vuodđuduvvon álbmotmehciin ja luonddumehciin 2 §)*

Johtaleapmái, mohtorfievrruid ja áibmofievrruid geavaheapmái sihke gohttemii ja dolastallamii guoskevaš ráddjehusat eai guoskka eiseváldedoaimmaide, mat suvvojuvvojit suodjalannjuolggadusain. Eiseváldedoaimmaid dikšu olbmot galget dárbbu mielde sáhttit čájehit iežaset leat doaimmain máinnašuvvon doaimmain.

### 5.2. Boazodoallu

*(boazodoalloláhka 3 §, áсахus stáhta oamastan dihto guovlluide vuodđuduvvon álbmotmehciin ja luonddumehciin 2 §, meahccejohtalusláhka 4 §, meahccejohtalusásahus 13 §)*

Bohcuid guohtun ja dasa guoskevaš boazodoallobargu lea álbmotmeahcis lobálaš boazodoalloga mielde. Vejolaš ođđa dálvebiebmanbáikkiin galgá almmuhit Meahciráđđehussii ovddalgihtii.

Boazodoalus dárbblaš gámpáid, boazoáiddiid ja eará rusttegiid oažžu ráhkadit Meahciráđđehusa lobiin.

Mohtorfievrruid oažžu geavahit boazobargguin meahccejohtaluslága ja -ásahusa mielde.

Bozobeatnagiid oažžu geavahit boazobargguin. Boazodoalu várás galgá oažžut nuvtá boaldin- ja goahtemuorran dárbblaš muoraid. Meahciráđđehus sáhtta vuovdit boazodoalu várás dárbblaš muora álbmotmeahcis.

### 5.3. Meahccejohtalus

*(meahccejohtalusláhka 4 §, meahccejohtalusásahus 13 §)*

Mohtorfievrruid oažžu geavahit boazobargguin meahccejohtaluslága mielde. Olbmot, geat johtet mohtorgielkkáin boazobargguin, galget dárbbu mielde čájehit ahte sii leat álbmotmeahcis boazobargguin.

Meahciráđđehus sáhtta miedihit meahccejohtaluslobi álbmotmeahccái čuovvovaš ulbmiliidda:

- Anára gieldda lagasgiliid ássiide ja luondduealáhusbargiide mohtorgielkkáin johtaleapmái álbmotmeahcis Anára gieldda siste rievssaha gárdebivddu oktavuodas;
- Anára gieldda lagasgiliid ássiide mohtorgielkkáin johtaleapmái álbmotmeahcis Anára gieldda siste guolástusa oktavuodas;
- Lismálaččaide boaldinmuora fievrrideami várás mohtorgielkkáin;

- Anára gieldda lagasgiliid ássiide smávva turismadoibmii (ee. biergasiid fievrrideapmi, boazo- ja čuoiganmátkkiid fuolahus, áššehassáhtosteamit dihto johtolagaid mielde) dálvvi áigge mohtorgielkkáin;
- ovttaskas dáhpáhusaid várás lobiid oahpistuvvon joavkkuid dálvevánddardemiid ja boazovánddardemiid fuolahussii mohtorgielkkáin;
- Anára ja Gihttela gieldda ássiide ealga- ja guovžabivddu ordnestallamiidda ja sállalaš viežžamii mohtorgielkkáin sihke ovttaháváš lobiid sállalaš viežžamii bievlan;
- gollerogganbáikkiid ja ruvkebiriid fuolahussii dálvvi áigge mohtorgielkkáin Meahciráđđehusa lohperávvagiid mielde;
- gollerogganbáikkiid ja ruvkebiriid fuolahussii geasi áigge sierra ákkaiguin Meahciráđđehusa lohperávvagiid mielde;
- guorahallama mielde eará meahcejohtalussii álbmotmeahci doibmii heivvolaš ulbmilii.

#### **5.4. Čáhcejohtalus**

*(LsL 18 §)*

Álbmotmeahci čáziid alde oažžu johtalit suga dahje mealu almmá sierra lobi haga.

Čáhceskohteriin ii leat lohpi vuodjit álbmotmeahcis.

Mohtorfatnasa ožžot geavahit álbmotmeahci lagasgiliid ássit.

Meahciráđđehus sáhtta mieđihit mohtorfatnasa geavahanlobi álbmotmeahccái čuovvovaš ulbmiliidda:

- báikkálaš (Anára ja Gihttela gielddalaččaide) luondduealáhusbargiide
- lagasgiliid turismafitnodatolbmuide (galgá leat soahpamuš Meahciráđđehusain) gávppálaš fanassáhtostemiid várás
- Anára ja Gihttela gieldda ássiide lubmemii, guolástussii ja meahcebevdui johkaossodagaide Avviljoga šaldi - Gorsajávri ja Náskanjohka - Avviljohka
- gollerogganbáikkiid ja ruvkebiriid fuolahussii guđege dáhpáhusa mielde
- priváhta giddodahkii johtima várás

#### **5.5. Golledoidin**

*(ásahus stáhta oamastan dihto guovlluide vuodđuduvvon álbmotmehciin ja luonddumehciin 3 §, meahcejohtalusláhka 4 §, ruvkeláhka 1 §, 3 § ja 12 §, eanageavahan- ja huksenláhka)*

Golledoidin álbmotmeahcis lea lobálaš dušše ruvkelága mieldásaš golledoidinbáikkiin ja ruvkebiriin.

Leammi álbmotmeahcis lea lobálaš eará go mašiinnain dáhpáhuvi golledoidin. Mašiinnain dáhpáhuvi golledoidin lea lobálaš dain golledoidinbáikkiin ja

ruvkebirin, mat ledje fámus, go álbmotmeahccái guoskevaš ásahusa nuppástus (1991) bodii fápmui.

Doidinbáikkiid ja ruvkebiriid fuolahussii sáhtta mieđihit lobiid meahccejohtalussii Meahciráđđehusa lohperávvgiid mielde.

Meahciráđđehus sáhtta mieđihit ruvkebiriiide ja doidinbáikkiide mearreáigásaš lobiid golleroggama várás dárbbaslaš visttiide. Huksema várás galgá leat gieldda mieđihan huksenlohpi, rogganbáikkiid huksema várás dasa lassin Bargofápmo- ja ealáhusministeriija lohpi.

## 5.6. Lobivuloš doaimma

Meahciráđđehus sáhtta mieđihit lobi álbmotmeahccái čuovvovaš ulbmiliidda:

- ráddjenoasis johtaleapmái (LsL 18 §)
- áibmofievrruin seaivumii (áibmojohtalusláhka 40 §)
- diedalaš dahje oahpahaslaš ulbmilis dáhpáhuvvi ealliid goddimii ja bivdimii sihke šattuid, dáid osiid sihke minerálačájánasaid smávva váldimii (ásahus stáhta oamastan dihto guovlluide vuodđuduvvon álbmotmehciin ja luonddumehciin 2 §). Lohpi galgá ohccojuvvot čálalaččat Meahciráđđehusas.
- eará guolástussii go seaktebivdimii dahje bilkemii (ásahus stáhta oamastan dihto guovlluide vuodđuduvvon álbmotmehciin ja luonddumehciin 2 §)
- boazodollui guoskevaš rusttegiid huksemii (ásahus stáhta oamastan dihto guovlluide vuodđuduvvon álbmotmehciin ja luonddumehciin 2 §)
- golledoidima várás dárbbaslaš gámpáid huksemii (gč. lohku 5.5. Golledoidin) (ásahus stáhta oamastan dihto guovlluide vuodđuduvvon álbmotmehciin ja luonddumehciin 3 §)
- almmolaš dilálašvuoda lágideapmái (čoahkkananláhka 13 §)
- meahccejohtalussii dihto ákkaiguin (gč. lohku 5.3. Meahccejohtalus) (meahccejohtalusláhka 4 §)
- mohtorfatnasiid geavahanlobit dihto ákkaiguin (LsL 18 §) (gč. lohku 5.4. Čáhcejohtalus)

Birasministeriija sáhtta mieđihit álbmotmeahccái lobiid geologalaš dutkamii ja málbmaohcamii sihke liiggás laskan dahje muđui vahátlaš šaddo- dahje eallišlájja oktagasaid geahpedeapmái.

Guvllolaš birasguovddáš sáhtta mieđihit álbmotmeahccái lobiid luonddusuodjalanlága 48 §:a mielde ee. ráfáidahtton šattu dahje dan oasi čoaggimii sihke ráfáidahtton eallišlájja bivdimii dahje gittaváldimii dainna eavttuin, ahte šládja lea ainge vuohkkasit suodjaluvvon.



### **5.7. Turismii guoskevaš fitnodatdoaimma**

*(LsL 18 §)*

Turismii guoskevaš doaimma sáhtá álbmotmeahcis jodihit almmá sierra soahpamuša dahje lobi haga, jos doaimma vuodđuduvvá álbmotmeahcis suvvojuvvon juohkeolbmovuoigatvuodaide dego lustavázzimii dahje čuoigamii.

Orustansajiid geavaheami várás turismma fitnodatdoaimmas galgá leat Meahciráđđehusa lohpi dahje soahpamuš.

Almmolaš dilálašvuoda lágideami várás álbmotmeahcis galgá háhkat Meahciráđđehusa lobi (čoahkkananláhka 13 §).

Daiguin Anára gielalaččaiguin, geat doibmet guovllus turismafitnodatolmmožin, Meahciráđđehus sáhtá dahkat soahpamuša dahje sii sáhttet oažžut lobi smávva turismadoibmii guoskevaš meahccejohtalussii dálvvi áigge mohtorgielkkáin (gč. lohku 5.3. Meahccejohtalus).

Oahpistuvvon dálvevánddardemiid ja boazomátkkiid fuolahussii mohtorgielkkáin sáhtá mieđihit ovtaháváš lobiid turismafitnodatolbmuide. Ovdalگو lohpi mieđihuvvo, de gullojuvvojit guoskevaš guovllu bálgosat.

Lagasgiliid turismafitnodatolbmuide sáhtá mieđihit mohtorfatnasa geavahanlobiid (gč. lohku 5.4. Čáhcejohtalus).

### **5.8. Eará mearrádusat**

Dán ortnetnjuolggadusa njuolggadusat, maid vuodul dihto doaimbajibut álbmotmeahcis suvvojuvvojit, eai atte geasage viidáset vuoigatvuoda go dan mii áššáigullevaš olbmos muđui lea.

Luonddusuodjaleami goziheaddji eiseválddis dahje luonddusuodjalanguovllu fávttas lea vuoigatvuolta duoguštit meahcástan-, guolástan- dahje eará neavvuid, mat leat geavahuvvon dahje maid lea jurdda geavahit daid njuolggadusaid dahje mearrádusaid vuostá, mat álbmotmeahcis galget čuvvojuvvo. Seamma duoguštanvuoigatvuolta guoská maiddái álbmotmeahcis lobiheamet bivdojuvvon ealliide ja lobiheamet čoggojuvvon šattuide sihke buot dasa, mii álbmotmeahcis lea gildojuvvon váldimis dahje doppe geavaheamis (LsL 60 §).

## Nuppástusohcan

Mearrádussii oažžu oheat nuppástusa váidimiin Roavvenjárgga hálddahasriektái 30 beaivvi sisa mearrádusa diehtunoažžumis. Dárkilet rávvagat nuppástusohcamis gávdnojit váidinčujuheamis, mii lea mearrádusa čuovusin.

## Mearrádusa diehtunaddin

Dát mearrádus addojuvvo diehtun oktasašdiehtunaddimin. Mearrádus dollojuvvo oaidninláhkai 13.5.2009 rádjai Meahciráđđehusa guovddášovttadagas, Vernissakatu 4, 01300 Vantaa, Meahciráđđehusa Avvila doaibmabáikkis, Ivalontie 10, 99800 Avvil, Davvi-Sámi luondduguovddážis Siiddas, Anára ja Gihttela gielddaid almmuhusdávvaliin ja Meahciráđđehusa internehttsiidduin čujuhusas:

[www.metsa.fi/Retkeily&erämatkailu/Luvat ja päätökset/Uusimmat järjestyssäännöt](http://www.metsa.fi/Retkeily&erämatkailu/Luvat_ja_päätökset/Uusimmat_järjestyssäännöt). Áššegirji oaidninláhkai bidjamis almmuhuvvo Virggálaš bládis 6.4.2009 sihke aviisa Lapin Kansas ja vahkkobládis Inarilainen.

Luonddubálvalushoavda

Rauno Väisänen

Allagohcci

Esko Korsulainen

### Čuvvosat


1. Leammi álbmotmeahci avádatkáarta
2. Leammi álbmotmeahci lagasgilleráddjenkáarta
3. Váidinčujuheapmi

Čuovus 1. Leammi álbmotmeahci avádatkáarta

Čuovus 2. Leammi álbmotmeahci lagasgilleráddjenkáarta

Čuovus 3. Váidinčujuheapmi

Čuovus 1. Leammi álbmotmeahci avádatkártá



Čuovvus 2. Leammi álbmotmeahci lagasgilleráddjenkártá

